

ՀԻՆ ՀԱՅԱՍՏԱՆԻ ԱՍՅՐԱՔԱՂԱՔ ԱՐՏԱՇԱՏԻ ԱՐԽԻՎՆԵՐԸ
ԺՈՐԵՍ ԽԱՇԱՏՐՅԱՆ

Ամփոփում

Արաաշատը հիմնադրվել է մ.թ.ա. 189/188 թթ. Արտաշես I-ի կողմից, և մոտ 600 տարի եղել է Հայաստանի մայրաքաղաքը: Այն, գտնվելով միջազգային առևտրական գլխավոր ճանապարհների խաչմերուկում, շուտով դարձավ ոչ միայն Հայաստանի վարչաքաղաքական, առևտրատնտեսական և մշակութային ամենախոշոր կենտրոնը, այլև ամտիկ աշխարհի մեծ ու նշանավոր քաղաքներից մեկը: Ուստի պատահական չէ, որ հայ և օտար աղբյուրները նշում են դրա գեղեցիկ ու մեծ քաղաք լինելը (Ստրաբոն, Պլուտարքոս, Տակիտոս, Խորենացի և ուրիշներ):

Արտաշատում հայտնաբերված առաջնակարգ նյութերի շարքում, իրենց գիտական բացառիկ արժեքով և տեղեկատվությամբ աչքի են ընկնում կավե կնքադրոշմները (կնքադրոշմները), որոնք հայտնաբերվել են V և VIII դարերի վիշ: V դարի հյուսիս-արևելյան հատվածում, քաղաքի արևմտյան դարպասներից մեկի դիմաց, բացվել է ընկնելի թաղամասի մի մասը, հյուսիս-հարավ ձգվող փողոցի հետ միասին: Բնակելի համալիրի մեծ սենյակում ժայռի մակերեսից 10-15 սմ հաստությամբ կավե հատակի համատարած պինդ շերտի մեջ, վառված փայտածուխի, մոխրի, ինչպես նաև դեղնավուն և սպիտակավուն ինչ-որ մնացորդների հետ միասին, անկանոն ընկած վիճակում, հայտնաբերվեցին մեծ թվով կնքադրոշմներ: Կնքադրոշմների հետ միասին դուրս եկան մ.թ.ա. I դ. Ամտիոքի քաղաքային չլրացված դրամ և Արտաշատում կտրված Տիգրան II-ի պղնձե, լավ պահպանված դրամ: Մոտ 100 կնքադրոշմ գտնվեց նաև միջանցքում, մեծ սենյակի մուտքի մոտ: Այստեղ հատակին հայտնաբերվեց Օգոստոս կայսեր Ամտիոքում կտրված, պղնձե դրամ (մ.թ. I դ. սկիզբ), ներմուծված ամֆորայի (I-II դդ.) և տեղական խեցեղեն տարբեր անոթների թեկորներ: Մեծ սենյակի ու միջանցքի կավե հատակին և նրա տակ գտ-

նված նյութերը պատկանում են քաղաքի առաջին շինարարական շրջանին, այսինքն մ.թ.ա. 189-188 թվականներից մինչև մ.թ. 59 թ.:

Հայտնաբերված կնքադրոշմների թիվը ութ հազարից ավելի է, որոնցից 6000, ամրողջական են, կամ ռեկորի վրայի պատկերը որոշվում է: Դրանք ներկայացնում են 1036 ինքնուրույն տիպ: Կնքադրոշմների մեծ մասը կրակի մեջ ընկնելու պատճառով թրծվել է և թուխ գույն ստացել, որի շնորհիվ պահպանվել և մեզ են հասել: Նրանք, որոնք կրակից գերծ են մնացել, դարչնագույն են, փխրուն և ճաքճքված: Այսինքն քաղաքի երկրորդ շինարարական շրջանում, 60-ական թվականներին, շենքը վերականգնելիս, արհիվի մնացորդները, կնքադրոշմների մի մասը, մնացել է կավե հատակի, իսկ որոշ մասը՝ պատի շաղախի մեջ: Հայտնաբերման հանգամանքները թույլ են տալիս ասել, որ կնքադրոշմների թիվն ավելի մեծ է եղել և մեզ է հասել դրանց մի մասը միայն:

Երկրորդ արհիվը հայտնաբերվել է VIII դրի հինգերորդ փողոցի արևելյան մասում բացված բնակելի համալիրում: Փոքր սենյակում ժայռի վրա, կավե հատակի միջից դուրս եկան 25 կնքադրոշմներ, որոնցից 15-ը ամրողջական են: Տունը ավերվել է հանկարծակի բռնկված հրդեհից, ուստի կնքադրոշմները թրծվել են: Այս արհիվը պատկանում է մ.թ.ա. 66-մ.թ. 59թթ. շինարարական շրջանին:

Այսպիսով, Արտաշատի կնքադրոշմների գյուտը հանդիսանում է հելլենիստական աշխարհում հայտնի ամենահարուստ հավաքածուներից մեկը: Կնքադրոշմները պատրաստված են մուրր յուզուտ կավից և հիմնականում ունեն ողորկ, փայլուն մակերես: Հայտնի է, որ կային կավերի հատուկ հանքատեսակներ, որոնք օգտագործվում էին միայն որպես կնքադրոշմի նյութ:

Նրանք պարունակում են այնպիսի օրգանական նյութեր, օրինակ՝ սպիտակ կրաքար (տալկ), որը չոր վիճակում ռավականին ամուր է լինում, իսկ թեթևակի խոնավության դեպքում փափկում է: Ամենայն հավանականությամբ, Արտաշատի կնքադրոշմների հետ հայտնաբերված բաղ-

ծրորակ, մուրք կավե երկկոնաձև կիսապատրաստուկները ծառայել են կմքելու համար:

Գտնված կավագնդիկների վրա կա 1-4 դրոշմ: Գեղակշռում են մեկ դրոշմահետք ունեցողները, որոնք հիմնականում տափակ են: Կմքադրոշմները ստացված են գլանաձև, բազմանիստ, շրջանաձև ու օվալաձև հարթ և ուռուցիկ մակերես ունեցող քաղե և ապակե իմտալիաներով դրոշմելու հետևանքով (հաճախ դրոշմվել է մաև գեմայի բմիկը), իսկ մի քանիսը կմքված են մետաղյա մատամիներով: Կմիքները միշտ չէ. որ լավ են սեղմված. կամ կավի համապատասխան փափկություն չի ունեցել, կամ կմիքների մաշվածության պատճառով պատկերները հստակ չեն ստացվել, իսկ հաճախ անփույթ են կմքվել և պատկերները լրիվ չեն դրոշմվել:

Կմքադրոշմներն ունեն թաղակ թելի մեկից վեց հորիզոնական անցքեր: Դրանց մի մասի ներքին երեսը հարթ է, կամ տարբեր հարթություններից առաջացած ուղիղ ժապավենաձև գծեր կան: Որոշ օրինակներ բացի բարակ թելերի անցքերից, ներքևի մակերեսին ունեն տարբեր խորության և լայնության մեկ - երկու ակոս (0.5-1.8սմ), որն առաջացել է կմքադրոշմն փաթեթը կապած կաշվե ներ ժապավենների վրա սեղմելու հետևանքով: Մի շարք կմքադրոշմների ներքին մակերեսի նեղ զուգահեռ գծիկները կամ ծմված տեսքը վկայում են պապիրուսի կամ կաշվի վրա փակցված լինելը: Որոշ կմքադրոշմներ փակցվել են ուղղակի թելերի հանգույցի վրա կամ երկու հանգույցների միջև: Մի խումբ կմքադրոշմների եզրը հարթ մակերեսից բարձր է: Դրանք, ամենայն հավանականությամբ, կախված են եղել: Այսպիսով, Արտաշատի կմքադրոշմները փակցված են եղել պապիրուսի և մագաղաթի ծրարների, փաթեթների և տարբեր ապրանքների վրա, կամ կախված են եղել նրանցից:

Մի շարք պատկերներ հանդիպում են միայն մեկ և ավելի դրոշմ ունեցող կմքադրոշմների վրա, իսկ որոշ պատկերներ հանդիպում են միայն մի քանի կմքադրոշմ ունեցող կավագնդիկի վրա: Հավանաբար,

դրանցով կնքվել են ինչ-որ գործարքներ, որոնք հաստատվել են մաս վկաների կողմից:

Հայաստանում փաստաթղթերն արհիվանքում պահելու ավանդույթները զարգացան հատկապես ուրարտական շրջանում: Առաջավորասիական մյուս երկրների մեծ ուրարտական պետության մեջ կնիքները եղել են ոչ միայն թալիսմաններ, այլև ծառայել են փաստաթղթերը կնքելու և զանազան գործարքները կատարելու համար: Այդ են վկայում ուրարտական հուշարձաններում հայտնաբերված մեծ թվով գլանաձև, կոնաձև, կշռաքարի մեծ ու այլ ձևերի կնիքները և Թոփրախ կալեից, Կարմիր բլուրից, Բաստամից հայտնաբերված կնքադրոշմներն ու կավե տախտակները:¹ Թեյշեբախիի արխիվի սեպագիր արձանագրություններով կավե տախտակները, որոնք հրաման-մամակներ են և տնտեսական փաստաթղթեր, կնքված են թագավորի և նրա ռարձրաստիճան պաշտոնյաների կնիքներով:

Ուրարտական պետության անկումից հետո նրա մշակութային ավանդույթները երկար ժամանակ գոյատևեցին Հայաստանում: Հայաստանը ընկավ մախ մարերի, այնուհետև Աքեմենյանների (մ.թ.ա. 550թ.) տիրապետության տակ: Վերջիններս, օգտագործելով մինչ այդ եղած կառավարման ավանդական ձևերն ու գործավարությունը՝ մեծ հաջողությունների հասան: Թագավորական գրասենյակի ղեկավարությամբ իրականացվող ռեֆորմների շնորհիվ ձևավորվեց հզոր կենտրոնական ապարատ, որը գտնվում էր Շոշում:²

Մ.թ.ա. V դարում Աքեմենյանների կողմից արամեերենի ընդունումը որպես դիվանի լեզու, որոշիչ դեր ունեցավ սեպագիր փաստաթղթերի վավերացման համար: Կայսրության բոլոր սատրապություններում օգ-

¹ Б.Б.Пуотровский, Искусство Урарту VIII-VII вв. до н.э., А.1962, с.105-106, рис. 70-72; И.М.Дяконов, Урартские письма и документы.М.-Л.,1963,с.7-11; W.Kleiss, Bastan, an Urartian citadel complex of the seventh century B.C., American journal of archaeology. Vol. 84, N3, 1980, p. 299-304, p.134, 8; 35, g.

² М.А.Дандамаев, В.Г.Луконин, Культура и экономика древнего Ирана. М.,1980, с.118

տագործվում էր, այսպես կոչված, կապսերական արամեերեն լեզուն, որը մ.թ.ա. Vդ. միօրինակացված էր, իսկ փաստաթղթերի համար օգտագործվում էր միևնույն ֆորմուլարը:

Թագավորից և արքայազնից բացի կնիքներ ունեին մաև հազարապետը և մյուս պետական պաշտոնյաները, առևտրականներն ու այլ մասնավոր անձինք: Կային մաև տաճարային դպիրներ: Պետական կնիք պահողը կոչվում էր «մատանիների պետ», այսինքն կնիքը պահող (կնքապահ): Կնիքն ապահովում էր տիրոջ անձնական սեփականության իրավունքն ունեցվածքի նկատմամբ, անձեռնմխելիության երաշխիք էր տալիս: Կենցաղում այն փոխարինում էի կողպեքին: Կնքվում էր ամեն ինչ՝ դռները, պարկերը, պայուսակները, կավե և բրոնզե իրերը, գրավոր փաստաթղթերը, պետական պայմանագրերը, դեկրետները, հրամանագրերը, մամակները, դատական արձանագրությունները և այլն:³

Աքեմենյանների օրոք բավականին զարգացավ առևտուրը: Տեղի է ունենում առևտրի մասնագիտացում: Ստեղծվում են առևտրական ընկերություններ: Ասասնագետ մի շարք առևտրականներ, տամկարներ, զբաղվում էին միջազգային առևտրով, իսկ մեծամասնությունը կայսրության ներսում՝ ստրկավաճառությամբ, ամասունների առքուվաճառքով, արմավի, ձկան, մրգերի, զինու առևտրով և այլն: Տամկարների միություններն ունեին իրենց ավագը, պետը, «տամկարների պետ»-երն ունեին իրենց կնիքները, իսկ տամկարներն իրենցը,⁴ որովոետև կնիքները հանդիսանում էին ապրանքի որակի գրավականը:⁵

Փաստաթղթերն ու կնքադրոշմները պահում էին սափորների, արկղերի, եղեգնՇ կողովների, սունդուկների մեջ, կավե կամ փայտե դարակների վրա, կնքված վիճակում: Արխիվները պահպանվում էին ապահով տեղերում, գանձարաններում:

³ М.И. Максимова, Резные камни. "Архивные города Северного Причерноморья". М.-Л., 1955, с.438; Տե՛ս նաև М.И. Rostovtzeff, Seleucid Babylonia. Bullae and seals of clay with Greek inscriptions. Yale classical studies. T. III, Neue Haven. 1932. p. 9-13.

⁴ Տե՛ս նույն տեղում, էջ 218-226:

⁵ М. J. Rostovtzeff, Ուշվ. աշխ., էջ 9-10:

Հելլենիստական շրջանում քաղաքների տարածման, քաղաքային կյանքի և մասնավոր սեփականության ինստիտուտի զարգացման հետևանքով կնիքները լայն տարածում ստացան: Հելլենիստական աշխարհի տարրեր մասերում հայտնաբերված արխիվները հնարավորություն են ընձեռում կնիքների օգտագործման, արխիվների, գործավարության, կնքման ձևերի ռազմակոդմանի ուսումնասիրության համար: Օրինություն (Ուռուկ) հայտնաբերվել են մեծ եղանակով դրոշմված կնքադրոշմներ, որոնք համարվում են ամենահինը (մ.թ.ա. III-II դդ.):⁶ Այժմ այդպիսիք գտնվել են նաև Արտաշատում և այլ վայրերում: Ընդունված է, որ հելլենիստական շրջանի պաշտոնական կնիքներն ավելի խոշոր են, քան անձնականները: Ամտիրքոս IV-ից հետո պաշտոնական կնիքներ հանդիպում են արձանագրություններով և առանց արձանագրությունների, որոնք, սակայն իրենց չափերով, պատկերների ընույթով կամ ոճական առանձնահատկություններով տարրերվում են անձնական կնիքներից:⁷ Այսինքն, կնիքը խորհրդանշում էր տիրոջ գրաված դիրքը հասարակության մեջ, պաշտոնը, մասնագիտությունը, զրադնունքը, աշխարհայացքը:

Արտաշես I ընդունեց Երվանդունիների դիվանի կառուցվածքն ու լեզուն՝ աղամներենը: Հայաստանի գրասենյակներում (մ.թ.ա. II-I դդ.) գործավարությունը տարվում էր արամեերեն և հունարեն լեզուներով:⁸ Այսպիսով, հելլենիստական աշխարհին ընդող Արտաշատի արխիվները Հայաստանի համար պատահական չեն: Կնքադրոշմներ հայտնաբերվել են նաև Շիրակում՝ Բենիամինում (մ.թ.ա. I - մ.թ. I դդ.): Դրանով կնքվել է տափաշշի ռերանը:

⁶ M. J. Rostovtzeff, նշվ. աշխ., էջ 17; տես նաև R.H. McDowell, Stamped and inscribed objects from Seleucia on the Tigris, Ann Arbor, 1935, p. 10:

⁷ M. J. Rostovtzeff, նշվ. աշխ., էջ 19-24; R.H. McDowell, նշվ. աշխ., էջ 26-27; A. Invernizzi, Bullas de Seléucie du Tigre. Annales Archeologiques arabes Syriennes. Vol. XXI, 1971, Tome I/2, s. 105-108, pl.XIX; Р.Фрау, Наследие Ирана. М., 1971, с. 203.

⁸ Г.Х.Саркисян, О провинциях и провинциальных канцеляриях древней Армении. "Древний Восток и мировая культура". М., 1981, с. 100.

Գեմաների և մատանիների վրայի պատկերներն իրենց թեմատիկայով, հատկապես դիմապատկերներ, ամենաշատ շփման եզրեր ու գուգահեռներ ունեն դրամների հետ: Դրամների ու գեմաների փորագրիչներն աշխատել են մույն արհեստանոցում, իսկ երրեմն, երկուսն էլ մույն վարպետն է փորագրել: Դրամահատման կմիքներ և գեմաներ փորագրող մշանավոր վարպետներն իրենց ստեղծագործությունների վրա անհրաժեշտ են համարել դնել իրենց ստորագրությունները: Հաճախ, սակայն, մնան թեմաներով դրամներ են թողարկվել տարրեր երկրների դրամահատարանների կողմից, որը դժվարացնում է գեմաների, տվյալ դեպքում կնքադրոշմների պատրաստման վայրի, պատկանելիության որոշումը:

Կնքադրոշմները 1036 ինքնուրույն տիպ են մերկայացնում, որոշ տիպեր հասնում են մի քանի հարյուր օրինակի: Դա ցույց է տալիս թե որքան ընդարձակ կապեր է ունեցել արտաշատյան արխիվի տերը, և որքան ինտենսիվ են եղել դրանք որոշ գործակալների հետ: Արտաշատյան կնքադրոշմներից մոտ երեք տասնյակը արամեերեն և հունարեն արձանագրություններ և մոնոգրամներ են, առանց պատկերի կամ պատկերի հետ միասին: Օրինակ՝ մեղվի պատկերով կնքադրոշմներից մեկի (№ 753) վրա գլխի աջ կողմում հունարեն գրված է « E A», տառերը:⁹

Արամեերեն արձանագրությունների հնագրագիտական տվյալները վկայում են, որ դրանք վերաբերում են մ.թ.ա. II-դդ.:

Հելլենիստական թագավորի պատկերով № 8 կնքադրոշմը արվեստի կատարյալ գլուխգործոց է: Ենթադրվում է, որ այն պատկերում է հայոց արքա Արտաշես II –ին (I 8):

Կնքադրոշմներից ամենահինը արված է գլանաձև կմիքով, որտեղ պատկերված է դեպի աջ զնացող գերիների շարան: Հայտնի է, որ մ.թ.ա. Vդ. սկսած կիրառության մեջ մտած մոր ձևերի կմիքները, դժվար օգտագործելիության պատճառով աստիճանաբար գործածությունից դուրս

⁹ Հունարեն արձանագրություններն ու մոնոգրամները վերծանել է Յու.Գ. Վինոգրադովը:

մղեցին գլխն ածն կնիքները: Ասկայն դրանց կիրառության առանձին դեպքեր կան դեռևս հելլենիստական շրջանում: Այդ մասին է վկայում նաև Արտաշատի կնքադրոշմը: Վերջինիս վրա գերիները (5 մարդ) ներկայացված են Պերսեպոլսի զանձարանի պատի վրա պատկերված սոգդերին բնորոշ տարագով (III₉₂):

Հին օրինակների շարքին կարելի է դասել ուղղանկյուն (բազմանիստ) կնիքով դրոշմված առյուծի որսի տեսարանը (III₉₄), պարսկական ու մեդական տարագով հեծյալների և հետիոտնի, արջի ու եղջերվո որսի տեսարանները (III_{112, 121, 122, 124}) հեծյալի և հետիոտնի, կամ հետիոտների մենամարտի պատկերով կնքադրոշմները (III₉₇₋₁₀₀), ծիու, եղջերվո և այլ կենդանիների մեջքին ու գլխին կանգնած թռչունների պատկերով կնքադրոշմները, Իրանին, Փոքր Ասիային, Վրաստանին ու Հայաստանին բնորոշ թեմաներով ու ոճական առանձնահատկություններով խոհրդանշաններ, որոնք կապված են Միջագետքի և Բակտրիայի հետ և այլն:

Այսպիսով, Արտաշատի կնքադրոշմների աշխարհագրությունը շատ ընդարձակ է և ընդգրկում է Պարթևստանից մինչև Հռոմ, Հյուսիս-Մերձսևծովյան շրջաններից մինչև Եգիպտոս: Այսինքն, Արևելքն ու Արևմուտքը ներկայացված են միասին, որը բնորոշ է Արտաշատի արխիվներին: Կնքադրոշմների վրայի պատկերներն աչքի են ընկնում թեմաների արտակարգ հարստությամբ: Ներկայացված է անտիկ աշխարհի ողջ կյանքը: Պատկերված են թագավորներ, քաղաքական գործիչներ, զորավարներ, թատերական և կոկեսային պերսոնաժներ, կենցաղը, ֆաունան և ֆլորան, կոսմոգոնիական պատկերացումները, սիմվոլիկան, տարբեր ժողովուրդների կրոնական ռարդ պատկերացումները և այլն: Հասկանալի է, որ այստեղ առկա են արվեստի տարրեր դպրոցներ՝ իրենց ոճական առանձնահատկություններով: Շատ կնքադրոշմներ իրենց գեղարվեստական արժանիքներով և կատարողական վարպետությամբ անտիկ արվեստի կատարյալ գլուխգործոցներ են: Պատկերներից շատերը պար-

զապես իրենց զուգահեռներ չունեն և մեզ են հասել միայն կնքադրոշմի տեսքով:

Իրենց թեմատիկայով, կատարման եղանակով ու զուգահեռներով, սակայն, կնքադրոշմների մեծ մասը պատկանում է քաղաքացիական պատերազմների ժամանակաշրջանին, մ.թ.ա. I դ. երրորդ քառորդին: Այն ցույց է տալիս, թե անկախ իր կամքից, Հայաստանն ինչ աստիճանի էր ներքաշվել Ամտոնիոս-Օկտավիանոս հակամարտության մեջ:

Ամտոնիոսն Արևելք էր եկել, ոչ միայն միջոցներ հայթայթելու, այլև իրականացնելու Կեսարի երազանքը, կազմակերպելու պարթևական պատերազմը և, իրրև մի նոր Ալեքսանդր, միավորելու Արևելքն ու Արևմուտքը, ստեղծելու համաշխարհային տիրապետություն:

Արտաշատի արխիվներում հայտնաբերված կնքադրոշմների մի ստվար քանակ ցույց է տալիս, որ Հայաստանն ավելի ակտիվորեն ընդգրկվեց Հռոմի, մասնավորապես հռոմեական արևելքի, առևտրական գործարքների մեջ: Դրանով կարելի է բացատրել այն, որ մեծ թիվ են կազմում նաև Հռոմը և նրա արևելյան պրովինցիաները ներկայացնող, ինչպես օրինակ, արձավենին պտուղներով, խաղողի ողկույզներով, ձկնորսության տեսարանով, ամֆորաների պատկերներով կնքադրոշմները և այլն:

Կնքադրոշմների մեջ կան օրինակներ, որոնք, հավանաբար, պաշտոնական են: Դրանց թվին կարելի է դասել Միհրդատ Եվպատորի (Is-7), արևելյան թագավորների, որոնցից մեկի պատկերի կողքին մոնոգրամ կա (Արտաշես II, Is), Ամտոնիոսի (Is7), Կլեոպատրա I-ի (Is9), Կլեոպատրա VII-ի (Is), Պոլեմոն Պոնտացու, Բոսպորի թագավոր Ասանդրայի պատկերով կնքադրոշմները (Is1) և այլն: Ասկայն կնքադրոշմների մեծ մասը մասնավոր անձանց են պատկանել: Վերջիններս իրենց զուգահեռներն ունեն պատճենահանված ապակե կնիքների մեջ և փոքր չափերի կնիքներով են դրոշմված:

Արդյոք ինչպիսի բնույթ է ունեցել V բլրի արխիվը: Մովսես Խորենացին նշում է անտիկ շրջանում գոյություն ունեցող մի քանի տեսակի արխիվների մասին՝ արքունական, մեհենական, հարկերի:¹⁰

Հայտնի է որ Արտաշատում եղել է մաքսատուն, ըստ երևույթին, պետք է լիներ նաև թագավորի կողմից նշանակված «քաղաքի վերակացուի» արխիվ և քաղաքային համայնքին պատկանող արխիվ:

V բլրի արխիվը արքունական չէ. որովհետև այն պետք է լիներ միջնաբերդում (II բլրում), որտեղ կենտրոնացված էին պալատական ու վարչական համալիրները:

Տաճարային լինել նույնպես չէր կարող, որովհետև այն պետք է լիներ VI բլրի վրա, որտեղ տաճարային համալիրներն էին: Հարկերի գանձման կամ մաքսատան հետ կապված կնքադրոշմներ նույնպես չկան:

Այսպիսով, ինչպես տեսնում ենք, բոլոր հիմքերը կան այն համարելու մասնավոր արխիվ, որտեղ պահել են պապիրուսն և մագաղաթն փաստաթղթեր:

Այն փաստը, որ բացվել է երկու արխիվ (բացառված չէ նաև մոր, այդ թվեւմ՝ պաշտոնական, արխիվների հայտնաբերումը), ինքնըստինքյան վեայում է քաղաքի աշխույժ գործարար կյանքի, զարգացած գործավարության և փաստաթղթերի գրանցման կատարելագործված ծևերի մասին: Այն Արտաշատը ղմում է արխիվներ հայտնաբերված հելլենիստական խոշոր կենտրոնների շարքում: Ինչպես վերը նշեցինք փաստաթղթերը կնքելու և արխիվներում պահելու ավանդույթը Հայաստանում հայտնի է եղել դեռևս մ.թ.ա. VIII-VII դարերում:

V-IV դարերի կնքադրոշմներ են գտնվել նաև Հին Հայաստանի առաջին մայրաքաղաք Արմավիրում,¹¹ իսկ սասանյան և ավելի ուշ

¹⁰ Տես Մովսես Խորենացի, Հայոց պատմություն (թարգմ. ներածությունն ու ծանոթ. Ստ.Մալխասյանի), Երևան, 1961, I, 3, II, 10, 33, 36, 60 :

¹¹ Б.Н.Аракелян, О некоторых результатах археологического изучения Древнего Армавира. ИЖФ. 1969, № 4, с. 168, рис. 10.

շրջանի՝ Հայաստանի միջնադարյան մայրաքաղաք Դվինում:¹² Արտաշատյան արխիվները լրացնում են այդ երկու շրջանների միջև եղած թացը, ցույց տալով գրասենյակային ավանդույթների ժառանգականությունն ու անընդիստությունը:

Արխիվները հարուստ տեղեկություններ են հաղորդում, ոչ միայն հին զլիպտիկայի պատմության վերաբերյալ, թույլ են տալիս նոր տեսանկյունով նայել այն, այլև հնարավորություն են ընձեռում անտիկ աշխարհի արվեստի տարրեր դարոցների, նրանց ազդեցությունների ու փոխազդեցությունների, պատկերագրության, Հայաստանի առևտրատնտեսական կապերի ռազմակոդմանի ուսումնասիրության համար և այլն: Արխիվներն արտացոլում են հին աշխարհի պատմության քաղաքական կարևորագույն դեպքերի հանգուցային պահերը, որոնցից կարևոր է հատկապես քաղաքացիական պատերազմի ավարտը նշանավորող ժամանակաշրջանը, իշխանության ու ազդեցության ոլորտների համար մղվող պայքարը, միապետության (պրինցիպատ) հաստատման ավարտը: Եվ վերջապես, արխիվները կարևոր աղբյուր են Առաջավոր Ասիայի պատմության, հայ-հռոմեական հարաբերությունների մութ ու վիճելի հարցերի, և հատկապես Անտոնինոսի և Օկտավիանոսի հակամարտությանը զոհ դարձած Հայաստանի ու նրա թագավոր Արտավազդի քաղաքականության ճիշտ մեկնարանման համար: Հարց, որը մշտապես քննարկման առարկա է եղել պատմագիտության մեջ:

Հայտանարերված արխիվների կնքադրոշմների թեմատիկայի ռազմագանությունը հնարավորություն է ընձեռել ռդջ նյութը ռաժանել տասը խմբերի՝ համապատասխան ենթախմբերով՝ դիմանկարներ, կանգնած և նստած մարդկանց ֆիգուրներ, կենդանիների պատկերներ, պատմական և առասպելական մոտիվներով խմբեր: Կնքադրոշմները դասակարգված են նաև ըստ գեղարվեստական ռճի և կատարման եղանակի և ներկայացնում են հետևյալ երկրները և գեղարվեստական կենտրոնները՝ Իտալիան և Հռոմի, Եգիպտոսը, Հայաստանը, Իրանը, Փոքր Ասիան, Միջագետքն ու Սիրիան, Բոսպորն ու Հյուսիս-Աերձսևծովյան շրջանները:

¹² А.А. Калантарян, Раннесредневековые буллы Двина, Археологические памятники Армении, 13. Средневековые памятники, вып. VI, Ер., 1982, с. 61-68.